

Кенжебаева А.Ә., Мұқатай К.

Қытай, ағылшын, қазақ тілдеріндегі сөйлеу мәдениетіндегі мадақтау сөздерге салыстырмалы талдау

Kenzhebaeva A., Mukatai K.

Comparative analysis of the specifics of a compliment in Chinese, English and Kazakh speech culture

Кенжебаева А.А., Мукатай К.

Сравнительный анализ специфики комплимента в китайской, английской и казахской речевых культурах

Берілген мақалада қазақ, қытай және ағылшын тілдерінің сөйлеу әдебі жүйесінде салмақты орын алғын мадақсөздерге салыстырмалы талдау жасалынған. Ұлттық болмыстың қаймағын бұзбай, бар бояуының қанық сақталып, тіл арқылы айқындарап білуде орны ерекше танылған мадақсөздерге талдау жасау арқылы үш ұлттың мәдени болмысы мен ойлау жүйесі, қоршаған дүниені қабылдаудағы ұлттық менталдық танымы туралы жан-жақты ақпарат берілген.

Түйін сөздер: сөз әдебі, мадақсөз, ұлттық мінез, ойлау тәсілі тілдік фактор.

The article considers a compliment as a speech act in terms of its object and purpose, depending on the gender of the Chinese, English and Kazakh lingvoculture also considered a compliment design principles, the principles of its formality, used language means.

Key words: Speech Etiquette, way of thinking, compliment, language factor.

В статье рассматривается комплимент в качестве речевого акта с точки зрения его объекта и цели в зависимости от гендера китайской, английской и казахской лингвокультурах, также рассматриваются принципы оформления комплимента, принципы его формальности, используемые языковые средства.

Ключевые слова: речевой этикет, комплимент, национальный характер, образ мышления, языковой фактор.

**ҚЫТАЙ, АҒЫЛШЫН,
ҚАЗАҚ ТІЛДЕРІНДЕГІ
СӨЙЛЕУ
МӘДЕНИЕТІНДЕГІ
МАДАҚТАУ СӨЗДЕРГЕ
САЛЫСТЫРМАЛЫ
ТАЛДАУ**

Халық әдебінің астарында әркез сыйластық, сипайылық, құрметтеу, ардақтау секілді асыл қасиеттер жинақталған. Қандай да болмасын ұлттың сөз әдебі өзінің өне бойында ұлттық мәдениет, ұлттық дүниетаным, ұлттық дәстүр, ұлттық діл, ұлттық психологияның қанық бояуын толыққанды ашып көрсететін код іспеттес. Сөз әдебінің қоғам және жеке адамдарға белгілі бір деңгейде әсер етуі ұлттық болмыстың каймағын бұзбай, бар бояуының қанық сақталып, тіл арқылы айқындалап білуде орны ерекше. Сонымен бірге сөз әдебінің ережелері мен қолданыс асын менгеру арқылы халықтар арасындағы сыйластық пен сенімнің тереңдей түсуіне қол жеткізе аламыз. Кез келген тілді толыққанды менгеріп, тамырына терең бойлау үшін сол елдің ұлттық және мәдени ерекшеліктерін, айшықты өрнектерін дөп басып жеткізетін сөз әдебінің алуан түрлі формаларын жан-жақты менгеру кажет. Тіл-тілдегі сөз әдебін, соның ішінде салмақты орын алатын тармағы – мадақсөздерді жан-жақты әрі кешенді түрде зерттеу – бүгінгі таңдағы өзекті мәселелер қатарындағы проблема.

Америкалық тіл ғалымы Эдвард Сепир кезінде: “Бір қоғамдық топтың тарихи мұрасы, оның ұзақ мерзімдік қоғамдық ғұрып-әдетінің жемісі”, – деп атап өткен [1]. Тіл және тіл үекілдік ететін мәдениет бір-бірімен етene байланыста болады, өйткені тіл – мәдениеттің бір бөлегі.

Мадақсөз тіл құрылышының маңызды бір бөлігі ретінде белгілі бір тілдің мәдени мазмұндарын бейнелеп бере алады. Әр халықтың өзіндік қалыптасқан салт-дәстүрі болатыны белгілі, осыған орай мадақ сөздерді қолдануы мен қабылдауы арасында бірқатар айырмашылықтар болады. Тіпті кейір мадақ сөздердің дұрыс деп қолданылуы олардың кейір өзге ұлт өкілдерінің қабылдауында ақылга қонымызыз болып көрінуі де ықтимал. Мысалы, сырт қараганда, ағылшын тіліндегі кеңінен қолданылатын: “Hey, you look beautiful today!” деген бір ауыз сөз бір әйел затының сыртқы келбетін мадақтаған жағымды құбылыс деп саналады, ал шығыс мәдениетінің өкілдері үшін еркектердің әйел затының сыртқы келбетін көзге мақтауы бір түрлі оғаш қылық саналады, түрлі күдік тудырып, ыңғайсыздық келіп шығады.

Қытай, ағылшын, қазақ тілінде мадақтау сөздерді қолдануда біршама айырмашылықтар бар, бұл белгілі дәрежеде осы үш түрлі мәдениеттегі өздеріне тән құндылық көзқарасы, ойлау тәсілі барлығын бейнелейді. Төменде біз қытай, ағылшын, қазақ тілдеріндегі мадақтау сөздерге мазмұны, қуаты, тиісті қайтарылатын жауап үлгісі жағынан салыстырмалы талдау жасауға тырыстық.

Мадақтау сөзі дегеніміз – атына заты сай келіп түрган басқаларды мақтап-көтермелеуге қолданылатын сөз, ол күрделі қоғамдық сөз байланыс әрекеті болып, әдетте әңгімелесіп түрган екі адамның арасында туындалап, бір тараптың екінші бір тарапты мақтап, маралпаттауы әрі өзара берілетін түрлі ұнамды бағасы. Бұл түрдегі бағаның сөз сыңайы тыңдаушының барлық заттық, мінездік, тұлғалық, қабілеттік жақтарын қамтиды. Мадақ сөз – қошамет сөз деп те аталады, ол қоғамдық байланыс тәсілі болып, аса зор қоғамдық қуатқа ие болған сөздер.

Мадақтау сөзі тілдік қарым-қатынас барысында туындаиды, ол төмендегідей үш түрлі ерекшелікке ие: ең алдымен, бір тараптың мақтап-маралпаттаған әрекетін білдіреді, ал тыңдаушы тарап осы мадақтауға сәйкесті жауап қайтарып жатады. Былайша айтқанда, әңгімелесіп түрган АВ екі тарап өзара алма-кезек сөйлеседі, сондықтан мадақтау мен оған сәйкесті қайтарылған жауап «жұптастырылған құрылымға» [2] жатқызылады. Екіншіден, бұл түрдегі алмаспалы тілдік қарым-қатынас әрекеті барысында бір тараптың мадақтап-маралпаттауы сол тараптың белгілі ойын білдіреді, мәселен, жалаң сәлемдесу қарсы жаққа көңіл бөлгендікті, шабыттандырғандықты, немесе қарсы жақпен аралығын жақындана түскісі келетін ниетті айқындаиды. Үшіншіден, қабылдаушы тараптың қайтаратын сәйкесті жауабы сол адам өмір сүрген қоғамдық мәдени ортасына қарай айырмашылық болады.

Құндылық көзқарастарының әр алуандығына байланысты, сондай-ақ әр алуан қоғамдық ортада қалыптасқан мәдениет аясындағы халықтың көңіл бөлөтін түйіндері де ұқсамайды. “Тіл қуаты сансыз тілдік мағанасы формасында жүзеге асырылады, тіл мағынасының талдану барысы қоғамдық мәдениеттің жүзеге асырылу барысы болады. Мадақсөз нысанының талдану барысы тіл мағынасының талдану барысы болады, бұл талдаулар қоғамдық құн өлшеміне сай келуі шарт” [2].

Жалпы алып қарағанда, батыс мәдениеті болсын немесе шығыс мәдениеті болсын,

адамдар мадақтайтын нысандар негізінен жеке адамның сыртқы келбеті, өзіне тән заттары, қабілетті, жетістігі, мінез-құлқы қатарлы жақтарға шоғырланады. Нәктылы алып айтқанда, үш түрлі мәдениеттегі мадақтау сөз нысандарының өзіндік негіздері болады. Батыс елдеріндегі адамдар арасында әдетте діни сенім, жалакы көлемі, денсаулық жағдайы және жасы, әйелдердің сыртқы кейпі, өзіне тән заттары, қабілетті секілді мазмұнда мадақталып жатады. Ал қытай және қазақ халықтарында шығыс мәдениеті өкілдері болғандықтан, айырмашылықтарға қарағанда ұқсастықтар көптеп кездеседі, мәселен, әйел затының сыртқы келбетін мадақтау көбінесе әйелдер ортасында кездеседі, ал ерлерде әйел затының сыртқы келбетін мадақтау өте сирек айттылады. Бұл, әсіресе, қытай мәдениетінде өте сақтықпен қаралатын құбылыс. Себебі қытай мәдениетінде “ер мен әйелге әртекті қару” идеясының ықпалы әлі де сақталған, оның үстінен, қытай мәдениетінде өзінің отбасы мүшелерін сырт адамдарға отбасын немесе жеке басын мадақтау қытай мәдениетіндегі “кішіпейілділік” қағидатына қарсы келеді. Төмендегі мысалдарға назар аударып көрейік:

Ұзак өмір сүрген қарт адамға оның денсаулығының әлі тың екендігін айтып, мадақсөз арнағының келсе, қытай тілінде: “老当益壮 (картайсаңызда қайратының қайтпапты)”, “宝刀未老 (Асыл семсер тозбас)” дегендей мадақтау сөздер айттылады. Сондай-ақ қарт адамдарға қытай тілінде қошамет сөз айтқанда: “八十岁了还能这么精神，您老真是老当益壮啊！ Сексен жасқа келсөнізде әлі рухының мықты екен, картайсаңызда қайратының қайтпаған екен!», – деген формасын да қолданса болады. Бұл мысалдар арқылы қытай мәдениетінде үлкенді сыйлап, кішіні құрметтесу дәстүрі әлі де сақталып келетінін байқауға болады. Сондықтан қытай тіліндегі «қарт» сөзінің мағынасы даналық пен құрмет деген ігі ұғымдарды жинақтаған. Ал ағылшын тілі мәдениетінде, кәрі «old» деген сөз керексіз, жарамсыз деген мағынаны білдіреді, сондықтан қарттарды мадақтағанда үнемі оларды әлі жас көрінесіз, әлі асқақ, жігерлі екенсіз деп мадақтайды, мысалы, “You are really spring chicken, always full of energy! (Сіз әлі жас, жігерлі екенсіз! Қазақ мәдениетінде де қарт адамдарды мадақтағанда “карт” деген сөздің мағынасында даналық пен сыйластық жатыр. Мәселен: “80 жасқа келсөніз де әлі рухты екенсіз, қартайсаңыз да қайратының қайтпаған екен” т.б. Сонымен қатар ағылшын тілінде сырт келбетке айттылған мадақсөз: “You look beatiful today! (Сіз,

бүгін аса көріктеніп кетіпсіз!)! ”немесе “You are so sexy! (Сіз, аса тартымды болып кетіпсіз!) түрінде айтылса, қалыпты құбылыс ретінде, тіптен құлаққа аса жағымды қабылданады. Алайда қытай және қазақ мәдениетінде, әйел затының сыртқы келбетін мадақтау негізінен ұқсас жыныстылар арасында жиірек болып, сөйлеуші тарап тыңдаушы тарапқа сүйіспеншілік, және екі тараптың мадақтау нысанына болған қызығушылығын бейнелейді, мысалы, қазақ тілінде: “Бүгін қандай әдемісің!” “Сенің бүгінгі шаш түркің әдемі екен, саған жарасады екен! деп айтуға болады.

Қытай халқында мадаққа қайтаруға тиісті жауап үлгісінің өзіне тән қалыптасқан ерекшелігі бар. Қытай мәдениетінде, мадақ сөздерге қайтарылатын жауап негізінен мактаудан тайсақтау және мактаудан бас тарту түрінде болады. Батыс елдерінің назарында, мактаудан бас тарту, өзін тәмен ұстау тәсілі арқылы мадақтауға жауап қайтару, бір жасандылықтың бейнесі есептеледі, өйткені олар қытай мәдениетінде бұл түрдегі бейнелеу тәсілінің дәл әрі қонымды екендігін түсінбейді. Мына бір неше мысалға көніл аударалық:

A: “你们家房子装修的可真好看啊！
(Үйлерің өте көркем безендіріліпті!)”

B: “哎，就随便找人弄了弄而已。(Қойши, әйтеүір біреулерді тауып жөндете салдық!)”

A: “你这画儿画的真不错！(Мына суретті өте әдемі салыпсың!)”

B: “没有，没有。(Жо, жоқ.)”

A: “你的字儿写得可真好看！(Сенің жазуың өте көркем екен!)”

B: “哪儿呢，哪有你的字好看啊。
(Қайдағы, сенің жазуыңдай болу қайда.)”

Батыс елдерінде, біз адамдардың өз отбасын мадақтаған “My husband is great, he has just been promoted! (Күйеуім шыныменен керемет, оның енді ғана қызметі жоғарылады)”, “My daughter always does her best, and I’m so proud of her! (мен қызымы мактан тұтамын, ол үнемі өз талабымен көп жұмыс тындырады!)”, “My sister is so awesome that she has been successfully admitted to the university! (Әпкем расында да керемет, ол сынақтан өтіп, университетке түсті!)” т.б. мадақтау сөздерін көп естіміз. Ал мұндай мадақтау сөздер қытай және қазақ мәдениетінде кезігетін болса, онша қөрімсіз қимыл болып, өзін мадақандық немесе сырт көзге дандайсу болып сезілуі әбден мүмкін. Шығыс мәдениетінде, адамдар тым кішіпейіл қарапайымдылықпен өз отбасын бағалайды, егер де өз баласы басқалар тарапынан “Ұлыңың оқу нәтижесі қандай

жақсы!” деп мадақталса, “Кайдағы, күнде ойынмен, жақсы оқымайды.” дегендегі сыпайы жауап қайырып жатады.

Шығыс халықтары қарапайымдылықты өте жогары бағалайтын халық. Өздері туралы мадақ сөздер естігенде, қатты ыңғайызданып: «О не дегеніңіз!», «Тым асыра мадақтадыңыз», «Тіптен олай емес!», «Денгейім өте тәмен!» деп жауап қайырады. Мәселен, «Сіз ағылшын тілінде керемет сөйлейді екенсіз!» деген мадақсөзге: қытай тілінің сөз әдебі бойынша: «哪里哪里，您过奖了！», «О не дегеніңіз, Сіз асыра мақтап кеттіңіз!» деп жауап береді. Ал оған білместікпен «Рақмет!» деп жауап қатсаңыз, онда өзіңізді қарама-қарсы жаққа өзі туралы жоғары ойда жүрген тым тәқаппар жан екен деген жаңсақ пікір қалдыруының әбден мүмкін.

Ағылшын тілі мәдениетінде, мадақтау сөздер көбінесе бірқалыпты байланысты білдіріп, адамдар арасындағы мәртебенің тенденцияның бейнелейді, осылайша адамдардың қоғамдық аралығын жақындана түседі, әрі таптық көзкарас болмайды, сондықтанда қошеметсөз нысанының көлемі кең, қуатында да мүддешілдік байқалмайды. Әйтседе, “Hey, you look pretty, how are you? (Ау, бүгін көріктеніп кетіпсін ғой, жақыннан бері жағдайың қалай?)” деп аман-саулық сұрасу жайттары, “I love your dress, it’s nice on you! (Мен ұнататын көйлек, саған жарасыпты!)” деп белгілі затқа көніл бөлетіндігін білдіру, “The meal was very delicious, thank you! (бүгінгі ас аса дәмді болыпты, рақымет саған!)” деп разылығын білдіру, “You are doing nice job, keep going on! (өте жақсы істепсің, жалғастыра бер!)” деп шабыттандыру секілді күнделікті тұрмыстағы қарапайым мадақтау сөз тәсілдері де болады.

Қазақ мәдениетінде мадақтау сөзінің қуатты қытай мәдениетіне ұқсас келеді, ол, негізінен, құрмет пен ізеттілікті бейнелейді. Әдетте лауазымы тәмен, жасы кіші адамдар лауазымы жоғары жасы үлкен кісілерге мадақ сөздер айтып, әдептілік жөн-жосығына жүгінеді. Мысалы, “Сымбатты көрінесіз ғой, амансыз ба?” деп сәлемдесу, “Жасарып қалыпсыз ғой, тәуірсіз бе?” дегендегі көнілін аулау, “Мениң қазіргідегі жақсы нәтижеге жетуім сіздің арқаңыз ғой!)” деп рақметін білдіру секілді сөз орамдары жатады.

Біздің күнделікті тұрмысымызда, мадақтау сөздер сәлемдесу тәсілі болып қалмастан, бір тараптың екінші бір тарапты мактап, көніл болғендігін білдіреді, сонымен бірге әнгіме

тақырыбын тудырып, әңгімелесушілердің ортақ көңіл бөлетін түйініне айналады, осылайша тараптардың ортақ әуестігі арқылы қарым-қатынасты жақындана түседі.

Сыйластық пен ізеттілік *барлық халықта бар дәстүр*. Ұлттық этикет номенклатурасында ең жоғарғы орындардың бірінде тұрған мадақсөздерді дұрыс қолдана білу – аударма процесінде жиі кездесетін қындықтар торабынан сәтті шығуға мүмкіндігін білдіреді.

Сөз әдебі – белгілі бір елдің ділінің (менталитетінің) ерекше айшықтарын таныта алатын, ұлттық бояуын қанық көрсете біletін ақпарат құралы. Тіл оқытуда білімгерлерді жалықтырып, зеріктіріп жібермес үшін сабакты неғұрлым қызықты, тартымды өткізу үшін оқытылып отырған елдің сөз әдебін өз елінің дәстүрлерімен, салттарымен салыстыра отырып

талдатқан жөн, себебі тек салыстыру арқылы ғана бұрыннан байқала бермейтін құбылыстар, фактілер көз алдыңа келе бастайды, білімгерлердің аналитикалық ойлау машығын қалыптастырып, өзіндік қорытынды мен тұжырымдар жасай алатын дербестікке жетелейді. Қазіргі қоғам бүкіл әлемдік жаһандану көшіне ілесіп, ұлттар арасындағы қарым-қатынас құн сайын нығайып, аясы кеңеюде. Мадақтау сөздердің тілдегі қолданылыс аясы туралы айтқанда, біз айырмашылықтарды тастан, ортақтыққа ұмтылумыз керек, әр халықтың мәдениетіндегі өзіне тән сөз орамдары мен коммуникемдерін теренінен түсіну арқылы біз халықтар арасындағы байланыстарды жалғастыратын алтын көпірді нығайтуға өз үлесімізді қосамыз, мадақтау сөздерді дұрыс қолданып және үн қату арқылы өзара табысты қарым-қатынас жасауға қол жеткіземіз.

Әдебиттер

- 1 Sacks O. Text Linguistics[M].Prentice-Hall,Inc.1997.
- 2 汉哈恭维语对比研究, 阿依布布·阿山别克 , 现代语文2016.03
- 3 称赞语的文化差异, 付涛, 徐筱秋, 《江西广播电视台大学学报》2003年第一期
- 4 从称赞语之英汉比较看东西文化差异, 李艳芬, 《桂林旅游高等专科学校学报 》1993年第10卷增刊
- 5 汉日哈语称赞回应的比较研究, 阿依努尔, 华东师范大学, 2010年

References

- 1 Sacks O. Text Linguistics[M].Prentice-Hall,Inc.1997.
- 2 Han ha gongwei yu dui bi yanjiu, Ai bubu Ashan bieke, Xian dai hayu wen 2016.03
- 3 Zan cheng yu de wen hua cha yi, Fu tao, Xu xiaoqiu, 《Jiangxi Guangbo dianshi daxue xuebao》 2003 nian di yi qi
- 4 Cong zancheng yu zhi ying han bijiao kan dong xi wen hua chayi, Li yanfen, 《Guilin luyou gaodeng huanke xuexiao xuebao 》 1993 nian di shi juan zengkan
- 5 Han ri hayu zancheng huiyingde bijiao yanjiu.Ainur, Shifan da xue, 2010 nian